

امور اداره و تحریر سنه سلا نیکی
توفیق افندی نظارت ایدر .

مجموعه ادبیات

ادبیات ، فنون و معارف و مطایبات
ادبی و شئون معارف و ترقیدن بحث
ایدر . نویر افکاره خدمت ایلر .

امور اداره و تحریر سنه متعلق خصوصیات
ایچون توفیق افندی به مراجعت اولنور .

در سعادت و ولایات شاهانه ایچون بر
سنه لك آتونه سی یگری بش غروشد .
آتونه اجرنی برینه بوسته بولی قبول
ایدیلیر . مرکزنی شمذیلک باب عالی
جاده سنده عطار بورغاک افندیك
دکانیدر .

استانبول ایچون نسخه سی : ۱۰ پاره یه در . شمذیلک پنجنشنبه کونلری نشر اولنور . ولایات شاهانه ایچون نسخه سی : ۲۰ پاره یه در .

آلمانیا ایمپراطوری حضر تلرینک سیاحتنامه لری

آلمانیا ایمپراطوری حشمتلو ویلهم
حضر تلرله زوجه محترمه لرینک کچن سنه
ممالك محروسه حضرت پادشاهی به وقوع
بولان سیاحتلری انساننده کی مشهودانلریله
بالذات ایمپراطوریجه حضر تلرینک آلمش
اولدقلری فوتوغرافیلری جامع اولق
اوزره بر سیاحت نامه نك موقع انتشاره
جیقاریله جنی اولجه یازلمشیدی .

بوکره برلین غزته لرده اوقوندیغه
کوره سیاحتنامه مذکور برلین سرای
ایمپراطوری طابعی موسیو میتلر
و محمدومنك مطبعه سنده طبع وتمثیل
ایدیلوب میدان استفاده به جبقارلشدر .
۴۲۲ حقیقه ویتش یدی قطعه فوتو-
غرافی و قدس سنجاغیله قدس شریفك
متعدد خریطه و بلانلری جامع بولسان
بوانر یالکزی ایمپراطور و ایمپراطوریجه
حضرانك آثار قلمبه لرندن متشکل
دکلدر .

ایمپراطوریجه حضر تلرینک مابینجیلری
بارون دومیرباخ : سرای ایمپراطوری اداره
مأموری موسیو (تیلیج) : راهب
شلیخت ، قوت زیتن شومرین و سائر
کبی ایمپراطور و ایمپراطوریجه حضرانك
معیتلرند بولان دیگر ذوات دخی کتابك
تحریرینه اشتراك ایشلردر .

سیاحتنامه نك محتوی بولندینی باشلیجه
تصاویر میاننده اك زیاده جالب نظر دقت
اولانی رسم کشادی ایمپراطور حضر تلرینك
قدسه سیاحتلرینه بر وسیله تشکیل ایدن
سوور کلیسانك رسمی ایله مشارالیه
حضر تلرینك واركان معیتلرینك قدسه
حین دخوللرند رسام شهر موسیو
(ماقس رابس) طرفندن تصویر ایدلش
قابلودن مقتبس رفوتوغرافی هوهنزلرن
و اپورینك طوله باغچه سرای هایونی

مومی الیهك ویردیک تفصیلاته کوره موکب
ایمپراطورینك ساحلن قدسه قدر عزیمتی
تسهیل ایچون اقتضا ایدن بولی وجوده
کتیرمك اوزره صیجائك اك شدتلی
زماننده عمله عربان طرفندن بك جوق
مساعی صرف اولمشدر .

موکب ایمپراطورینك مواصلتی قدسه
مسلمان ، خرسنای ، موسوی بالجه
اهالی به اشواق فوق العاده بخش ایلمشدر .
رنکارنك شرق لباسلری کیمش صنوف
اهالینك بالقونلری ، پیچرملری ، اینیه
طاملرینی املا ایشندن متحصل منظره
لطیفه غیر قابل تعریفدر .

قدس موسویلری طرفندن انشا
ایدلش اولان طاقك بالاسنه عبرانی
و آلمان لسانلریله و مسافر عالی و محترم
مظهر لطف الهی اولسون ! عبارته سی
یازلش ، بوطاقك بر جهتند اوکلرند

سوریه والیسی دولتولناظم پاشا حضر تلری
بولندینی حالده عثمانی مأمورینی و دیگر
جهتند دخی البسه فاخره روحانیلری
لباس بولان بیاض صفاللی ایکی خاخم
الرنده لوحلر بولندینی حالده اخذ موقع
ایشیدی . موسیو دومیرباخ خاخملرک
البسه روحانیلری حضرت عیسی علیه
السلام زماننده برجات اولان خاخملرک
البسه نك عینی اولدینی احتمالی یازمشدر .

مومی الیه قدسه کی قله داود ایله یافه
قبوسی محله سی حقند بك جوق تفصیلات
ویرمشدر . ایمپراطور حضر تلرینك
موکبلری اوزاقندن مشاهده ایدیلر ایدلر
عثمانی عسکری موزیقه نك اسکی المانیا
مارشلری ترنم ایتشی مومی الیه بك
زیاده تأثیر ایتش . فقط ایمپراطور و ایمپرا-
طوریجه حضرانی سلاملاق اوزره
المانیانك هر مملکتکندن صورت مخصوصه
قدسه نقش بولسان المانلرک بر آغزندن
آلتشدر اجرا ایتشی یوزندن حاصل
اولان تأثیرانك تعریفی غیر قابل بولمشدر .

موسیو میرباخ سیاحت ایمپراطورینك
و قوعندن برقاج آی اول قدسه اجرا
ایدلیکی سیاحتی انساننده مشاهده ایدلیکی
محللرله احوالك برایکی آی صکره کاملاً
تبدل ایتش اولسنه اظهار حیرت ایدیور .
برقاج آی ظرفنده قدس شهری کاملاً
دیکشمش ، اسکی اهلینك برینه بشقه
برخلق نقش ظن اولنوردی .

ایمپراطور و ایمپراطوریجه حضرانی
قامه کلیسانه کیتك ایچون اییجه بر
مسافینی ماشاً طی ایلمشلردر . مشار-
الیهما حضرانك اوکلرند قونسولانو
قواصلری ، اوج ملت بطریقلری ، غایت
بارلاق بر معیت عسکریه و ملکیه و روحانیه
اولدینی حالده قسامه کلیسانه داخل
اولمشلردر که بوصره کلیسانك درونی
آتون ، کوش ، باقر یوزلرجه شمعدانلرله
منور بولئیوردی .

موسیو میرباخ کرک قامه کلیسانی
و کرک ایمپراطور و ایمپراطوریجه حضرانك
زیارت ایدلکری سائر مقاماتی بك کوزل
تعریف ایدیور .
سیاحتنامه ده ایمپراطور و ایمپراطوریجه
حضرانك قدس جوارنده اریحا و بحر
لوطه و قوعبولان سیاحتلری ایله عودند
بولا لیمانه قدر جریان ایدن احوال دخی
ذکر و بیان ایدلشدر .

سیاحتنامه نك فروختندن حاصل
اوله حق منافع کاملاً قدسه کی پروتستان
کلیسانه عائد اوله جقدر .
برغچه آغلادیر بی ، برشدردر ، اوت ا
بر شعر کوسنرر بکا حال طراوتی
بر یادکار عمر بهشتی لاله زار
بر شعر آکلانیر بکا لوح لطافتی
آغوش تربنده بویور طفل نوبهار



شعر

سن نه سك ؟